

Հ Ա Շ Վ Ե Տ Վ ՈՒ Թ Յ ՈՒ Ն

Սիսիան Պողոսեանի, Գայանե Այվազյանի և Ֆլորա Աթոյանի՝ Արաբական Միացյալ Էմիրություններ գործուղման արդյունքների մասին

1. Անունը, ազգանունը՝

Սիսիան Պողոսեան

2. Զբաղեցրած պաշտոնը՝

ՀՀ ԷՆ Զբոսաշրջության կոմիտեի նախագահ

3. Գործուղման վայրը և ժամկետները՝ ք. Դուբայ

Գայանե Այվազյան՝ ս.թ. մայիսի 8-10

Սիսիան Պողոսեան՝ ս.թ. մայիսի 9-11

Ֆլորա Աթոյան՝ ս.թ. մայիսի 10-12

4. Հրավիրող կողմը՝ Arabian Travel Market 2022, Արաբական Միացյալ Էմիրություններ

5. Գործուղման նպատակը՝ Մասնակցություն Arabian Travel Market 2022 միջազգային զբոսաշրջային ցուցահանդեսին

6. Քննարկված թեմաները՝

Եվրոպայի և Պարսից ծոցի երկրների զբոսաշրջային ոլորտի պետական և մասնավոր ներկայացուցիչների հետ Հայաստանի՝ զբոսաշրջային թիրախային շուկաներում մարքեթինգային գործողությունների նախագծում:

7. Հանդիպումները, ելույթները, բարձրացված կամ քննարկված հարցերը՝

Մայիսի 9-ից 12-ը Arabian Travel Market 2022 ամենամյա զբոսաշրջային ցուցահանդեսին ՀՀ ԷՆ Զբոսաշրջության կոմիտեն, պետական միասնական տաղավարի ներքո միավորելով Հայաստանի 4 զբոսաշրջային ընկերություններին և FlyArna ազգային փոխադրողին, ներկայացրեց երկրի զբոսաշրջային արդյունքները, ինչպես նաև նախագծեց թիրախային երկրների հետ համագործակցության հնարավորությունները:

Չորս օրերի ընթացքում Հայաստանի տաղավար այցելեցին Եվրոպայի, ԱՄՆ-ի, ԱՄԷ-ի, Հնդկաստանի, Իրանի զբոսաշրջային ոլորտի պետական և մասնավոր հատվածի ներկայացուցիչներ՝ ծանոթանալու Հայաստանի զբոսաշրջային արդյունքների

բազմազանությանը, այդ թվում՝ արկածային, մշակութային, գաստրո, էնո գրոսաշրջությանը, երևանյան և մարզային փառատոներին և այլն:

Մայիսի 9-ին Հայաստանի տաղավար այցելեցին զբոսաշրջային ոլորտում գործող հայտնի հարթակների ներկայացուցիչներ՝ TravelZoo, Amadeus, Voyage Prive, Matador Network, ինչպես նաև մի շարք աշխարհահռչակ ճամփորդական պարբերականներ միավորող մեդիա գրուպի ներկայացուցիչներ՝ քննարկելու հնարավոր համագործակցության հեռանկարները և Հայաստանի ճանաչելիության խթանումը միլիոնավոր օգտատեր ունեցող հարթակներում:

ՀՀ ԷՆ Զբոսաշրջության կոմիտեի նախագահ Սիսիան Պողոսեանը հանդիպումներ ունեցավ Իտալիայի, Հունաստանի, Վրաստանի, Իսպանիայի, Բուլղարիայի զբոսաշրջային պետական մարմինների ներկայացուցիչների հետ՝ հետագա համագործակցության խթանման, ինչպես նաև հունիսի 1-3-ը Երևանում կայանալիք ՄԱԿ ԶՀԿ Եվրոպայի տարածաշրջանային հանձնաժողովի 67-րդ նիստի վերաբերյալ գործընկերներին հավելյալ իրազեկման նպատակով:

Մայիսի 10-ին ՀՀ ԷՆ Զբոսաշրջության կոմիտեի նախագահ Սիսիան Պողոսեանը հանդիպում ունեցավ Flydubai ավիաընկերության ղեկավար կազմի հետ՝ քննարկելով ԱՄԷ-ից դեպի Հայաստան իրականացվող թռիչքների հաճախականության ավելացման հնավորությունը: Աշխատանքային հանդիպումներ տեղի ունեցան Lufthansa City Center, HotelBeds, Wanderlust կազմակերպությունների ներկայացուցիչների հետ:

Մայիսի 11-ին տեղի ունեցան հանդիպումներ Wizzair ավիաընկերության և Skyscanner հարթակի ներկայացուցիչների հետ: Հանդիպում տեղի ունեցավ նաև Իրաքի զբոսաշրջային ընկերությունների աշխատակիցների հետ, որի ընթացում քննարկվեցին հետագա հնարավոր համագործակցության եզրերը:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Եվրոպայի, ԱՄՆ-ի, ԱՄԷ-ի, Հնդկաստանի, Իրանի պատվիրակությունների հետ հանդիպումների շրջանակներում քննարկվեցին համագործակցությունն ընդլայնելու հնարավորությունները: Պայմանավորվածություն ձեռք բերվեց մոտ ապագայում կազմակերպել առցանց հանդիպումներ՝ մարքեթինգային հնարավոր արշավների համատեղ իրականացման վերաբերյալ:

Պետական միասնական տաղավարի ներքո հանդես եկած մասնավոր հատվածի ներկայացուցիչները ձեռք բերեցին մի շարք պայմանավորվածություններ՝ խթանելու ներգնա զբոսաշրջությունը, ինչպես նաև ներկայացնելու Հայաստանի նոր զբոսաշրջային առաջարկները՝ վերոնշյալ երկրներից ավելի մեծ թվով զբոսաշրջիկներ ներգրավելու նպատակով:

Տեղի ունեցավ հանդիպում քննարկում Arabian Travel Market 2022 ցուցահանդեսի կազմակերպիչների հետ, որի ընթացքում քննարկվեց և նախնական պայմանավորվածություն ձեռք բերվեց հաջորդ տարի Հայաստանի՝ առավել բարենպաստ պայմաններով և տաղավարի՝ առավել կենտրոնական դիրքով ցուցահանդեսին մասնակցության վերաբերյալ:

Ցուցահանդեսին մասնակցությունը կնպաստի Եվրոպայի, Պարսից Ծոցի երկրների հետ, մասնավորապես ԱՄԷ-ի հետ առավել արդյունավետ գործարար հարաբերությունների զարգացմանը, ինչպես նաև Հայաստանը, որպես դեռևս չբացահայտված, նոր ուղղություն, համաշխարհային զբոսաշրջային քարտեզի վրա դիրքավորմանը:

9. Ստորագրությունը, ամսաթիվը՝



ՍԻՍԻԱՆ ՊՕՂՈՍԵԱՆ

16.05.22